


INFORMATIVNE NOVINE ISLAMSKJE ZAJEDNICE BOŠNJAKA U ŠVEDSKOJ

JUNI 2021./BROJ 44

BILTEN



BILTEN

Informativne novine

Islamske zajednice Bošnjaka u Švedskoj

GLAVNI UREDNIK

Idriz-ef. Karaman,
glavni imam

IZVRŠNI UREDNIK

Nezir-ef. Špodić

E-MAIL:

bilten@izb.se

WEB:

www.izb.se

IZDAVAČ:

Islamska zajednica Bošnjaka u Švedskoj

SEKRETARIJAT

Mail: kontakt@izb.se


Tel: 0520-49 90 64

Mob: 0763-10 24 47

Adresa: BIS, Åkerssjövägen 10,

461 53 Trollhättan






INFORMATIVNE NOVINE
ISLAMSKJE ZAJEDNICE BOŠNJAKA U ŠVEDSKOJ

SADRŽAJ

- 4** Uvodnik
 - 6** Aktivnosti iz Zajednice
 - 21** Vakufski projekti
 - 27** Duhovnost
-





bilten broj 44

UVODNIK



IDRIZ-EF. KARAMAN

GLAVNI IMAM

Nedavno smo ispratili ramazani šerif. Iako smo bili uskraćeni za mnoštvo njegovih uobičajenih sadržaja, zahvaljujući kreativnosti naših imama, muallima i velikog broja drugih volontera, ramazan u Švedskoj je obilovao velikom brojem, zaista, izvanrednih aktivnosti.

Čestitka svima i dova Gospodaru svjetova da nam primi dobra djela.

Po završetku ramazana sa nestrpljenjem smo očekivali rezultat akcije na prikupljanju zekata i sadekatu-l-fitra, jer je tokom cijelog ramazana vođena organizirana kampanja protiv ove akcije.

Nažalost, ovoj kampanji nasjele su i neke naše džematlije, pa čak i pojedini članovi džematskih odbora, i to je svakako utjecalo na ukupni rezultat. Tako je rezultat uplaćenih sredstava sadekatu-l-fitra znatno lošiji od prošlogodišnjeg. Srećom, zekata je prikupljeno puno više nego prošle godine, pa je ukupni rezultat akcije, po još uvijek nepotpunim podacima, ipak, bolji od prošlogodišnjeg (oko 5 000 000 kruna).

Zbog toga će se u budućnosti ovom problemu morati pristupiti puno ozbiljnije.

U tom smislu, važno je i da od Rijasetu bude što više povratnih informacija o utrošku sredstava Bejtu-l-mala, jer nedostatak tih informacija ostavlja prostor da se šire dezinformacije o trošenju ovih sredstava.

Osim toga, našem narodu općenito treba stalno ukazivati na opasnost širenja dezinformacija, jer se „dobre vijesti brzo šire, a loše još brže.“

I na kraju, podsjećamo na kur`ansku naredbu da informacije, a posebno one koje dolaze iz sumnjivih izvora, treba dobro provjeravati.



AKTIVNOSTI IZ ZAJEDNICE

ODRŽANA ONLINE SJEDNICA IZVRŠNOG ODBORA IZBUŠ-a



U subotu, 5. juna 2021. godine, održana je online sjednica Izvršnog odbora Islamske zajednice Bošnjaka u Švedskoj. Na sjednici su analizirane aktivnosti u proteklom periodu, pri čemu je posebno istaknut ramazanski program. Izvršni odbor je pohvalio i odao priznanje svim učesnicima u programu, na čelu sa Media grupom IZBUŠ-a. Izvršni odbor je, također, konstatirao da je ovogodišnja akcija uplate zekata i sadekatu-l-fitra, unatoč negativnoj kampanji pojedinaca o ovoj akciji, dostigla prošlogodišnji rezultat.

U nastavku sjednice Izvršni odbor je razmatrao izvještaje između dvije sjednice, i pristiglu poštu, te donio nekoliko odluka iz svoje nadležnosti.

Na kraju, Izvršni odbor je izrazio zadovoljstvo i čestitao džematu Värnamo za uspješno završen projekt kupovine objekta za džamiju, kao i džematu Trollhättan, koji je pobijedio u natječaju na aukciji za kupovinu jednog objekta za svoju džamiju.

I.K.

PRIPREME ZA OBILJEŽAVANJE 26. GODIŠNJICE GENOCIDA NAD BOŠNJACIMA

I ove, kao i prethodnih godina u Švedskoj, na dan 11. jula, će se obilježiti Dani Srebrenice jednom zajedničkom manifestacijom na Norrmalmstorg-u.

U manifestaciji kojoj učestvuju mnoge najveće bosanskohercegovačke organizacije, udruženja i džemati u Švedskoj.

Radna grupa je sastavljena od predstavnika organizacija čije je cilj da zajedničkim planiranjem urade najbolji program.

Ispred IZBUŠ-a radnu grupu je imenovana Fadila Jašarević, podpredsjednica IO IZBUŠ-a, a koja je do sada učestvovala u planiranju i organizaciji svih prijašnjih manifestacija. Veliki doprinos daju članovi APU mreže Adnan Mahmutović i Din Koldžo, predstavnica Džemata Stockholm Emina Ferhatović, Ejub Đuliman BH udruženje Neretva, te predstavnici drugih bosanskohercegovačkih saveza.

Da bi ovogodišnje obilježavanje bilo na što većem nivou, odlučili smo da se obratimo Memorijalnom centru u Potočarima za pomoć i saradnju. Cilj nam je da se proširi znanje o samom Memorijalnom Centru i njegovom značaju za budućnost.

Na dan 11. jula planiramo više momenata.

Prvo, planirano je postavljanje jednog velikog ekrana na Norrmalmstorg na kojem je 2019 god. održan protest protiv dodijele Nobelove nagrade Handke-u. Na ekranu će biti prikazan direktan prijenos iz Potočara. Uz to će se dijeliti letci sa

informacijom o samoj dženazi kao i info o Memorijalnom centru kao instituciji gdje se oni željni znanja mogu obratiti za najbolje informacije o genocidu. Uz letak bi se dijelio i cvijet sjećanja što bi ostavilo veći dojam kod prolaznika.

Drugo, pored tog centralnog dijela namjeravamo imati jedan live forum 11-og jula naveče na temu genocida koje ćemo naknadno dogovoriti, kao i učesnike. Želja je dobiti jednog učesnika iz Memorijalnog centra, jednog iz neke švedske institucije (npr. Forum för levande historia), i jednog filmskog kritičara koji bi sve mogao i povezati sa najnovijim filmom „Quo vadis, Aida“

Očekujemo da će naši džemati i udruženja na lokalnom nivou imati svoj aktivitet i tražili smo iz Memorijalnog centra gotov materijal koji bi bio dostupan na lokalnim nivoima.

Radna grupa će na vrijeme i blagovremeno objaviti konačan program manifestacije, te pravila i mjere vezana za Covid-19.

I ove kao i predhodnih godina iz Stockholma, sa Norrmalmstorg-a će se poslati poruka dostojanstvenog obilježavanja godišnjice genocida, jer to žrtve genocida i zaslužuju.

Fadila Jašarević, IZBUŠ

Adnan Mahmutović, APU Network

BEMUF AKTIVNOSTI

Ova radna godina u Bemufu približava se kraju, a Odbor Bemufa se priprema za jedan zasluženi odmor.

Ove godine smo realizirali mnoge projekte i mnoge smo nedavno priveli kraju. Kurs turskog jezika se nastavlja i profesor Muhamed nam javlja da su mnogi učenici spremni da urade test za A1.1. certifikat koji je priznat u svim državama svijeta! Aferim našim Bemufovcima!

Prva sezona naše emisije Srijedom u sedam je završena i ne na bilo koji način. Uslijed agresije na Palestinu, Bemuf je na jednom vanrednom sastanku, održan šest dana prije emisije, odlučio da zadnju emisiju posveti Palestini. Organizovali smo jedno donatorsko večer na kojem su prisustvovali naš Glavni imam, Hasan-ef. Jašarević i Mubin-ef. Neimarlija. Mi volimo naše imame ali smo bili posebno sretni što je po prvi put učestvovala i jedna muallima iz našeg IZBuŠ-a, naša Fadila Hadžirušidović.

Među gostima te večeri su se našli i predstavnici Islamic Reliefa, Ambasadorica Palestinske Ambasade, poznati izvođač ilahija Mustafa Isaković i Bešir Hadždž Ali - stanovnik okupirane Palestine. Te večeri, uz vašu pomoć, prikupili smo 171 391 kuna! Osim te sume, poslali smo im jednu važnu poruku - Bošnjački narod iz daleke Švedske ih nije zaboravio!

Druga sezona Srijedom u sedam počinje sredinom Augusta. Očekujte još zanimljivije teme i još mnogo gostiju!

Restrikcije se polako ublažavaju i lokalni Bemufi polako nastavljaju sa radom. Pratite vaš lokalni Bemuf kako biste dobili informacije o druženjima te, uz obećavajuću vremensku prognozu - vanjskim aktivitetima. Odbor Bemufa također razmatra mogućnost održavanja tradicionalnog ljetnog susreta. Više o tome na našem Instagram i Facebook profilu.

Odbor Bemufa vam se zahvaljuje na podršci tokom ove radne godine i s nestrpljenjem čekamo da prođu odmori da nastavimo sa novim aktivitetima i projektima!

Od nas mahsus selam,

Kenan Zec

Ahmed Karić

Dženneta Šabanović

Dženan Lapandić

Zerina Tica

Nesida Nukić

Velid Hankić i

Izet Bešić

Bemuf

Srijedom u sedam

x

Palestina

171 391 kr

Elhamdulillah!

UKUPAN BROJ ČLANOVA

15.624

8. 06. 2021.

Džemat	Broj članova
Borås	933
Trosa	103
Gislaved	661
Göteborg	1253
Halmstad	398
Helsingborg	617
Jönköping	524
Kalmar	215
Karlskoga	2
Karlstad	105
Landskrona	675
Linköping	561
Malmö	1960
Motala	261
Norrköping	955
Oskarshamn	20
Skövde	770
Stockholm	1589
Surte	159
Trelleborg	421
Trollhättan	366
Trosa	103
Varberg	178
Vetlanda	162
Värnamo	619
Västerås	671
Växjö	450
Örebro	996



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

*“O, vi koji vjerujete, ako pomognete Boga,
On će vas pomoći i vaš hod učvrstiti.”!*

(Muhammed, 7.)

Članarina Islamskoj zajednici preko poreza

0.7%

VAŠA INVESTICIJA U NAŠU ZAJEDNIČKU BUDUĆNOST


Članarina za narednu godinu važi ukoliko ste pristupnicu potpisali
i predali Islamskoj zajednici najkasnije do 31. oktobra tekuće godine !

Åkerssjövägen 10
461 53 Trollhättan

Telefon: 0520-49 90 64
Mobil: 0763-10 24 47

E-mail: kontakt@izb.se
www.izb.se

PREKO MILION MARAKA ZA HUMANITARNE AKTIVNOSTI



RAMAZAN 2021. URED ZA DRUŠTVENU BRIGU RIJASETA ISLAMSKJE ZAJEDNICE U BOSNI I HERCEGOVINI I OVOG RAMAZANA MATERIJALNO JE POTPOMOGAO NAJOSJETLJIVJE KATEGORIJE NAŠEG DRUŠTVA, SOCIJALNO-UGROŽENE, POVRATNIKE, STARE I IZNEMOGLE OSOBE I JETIMSKJE PORODICE

Ovim kategorijama je zahvaljujući sredstvima vjernika uplaćenim u Bejtu-l-mal, te uz podršku donatora, podijeljena pomoć u vrijednosti većoj od milion maraka samo posredstvom Ureda za društvenu brigu, dok su i druge institucije Islamske zajednice na terenu realizirale brojne karitativne projekte, poput posjete i pružanja pomoći starim i iznemoglim osobama, podjele iftara socijalno ugroženim porodicama na kućnu adresu i slično. „Pomoć je dijeljena na području cijele teritorije BiH, u vidu paketa s hranom i drugih oblika pomoći, čime je krovna zajednica muslimana u BiH još jednom potvrdila da vodi brigu o svojim najranjivijim članovima i pokazala im da nisu sami, niti zaboravljeni,“ istakao je direktor ovog ureda Ibrahim ef. Malanović.

Ured za društvenu brigu je tokom ramazana distribuirao oko 10.000 prehrambenih paketa, koji su otpremljeni prema muftijstvima, medžlisima, povratničkim džematima i raznim humanitarnim udruženjima. U saradnji s Ministarstvom vakufa Države Katar, realizovan je projekat podjele 6.000 iftara na kućnu adresu starim i iznemoglim licima, a iftari su distribuirani u saradnji s Mrežom mladih Medžlisa Islamske zajednice Sarajevo.

Također, svim muftijstvima je dodijeljeno 1.640 poklon-bonova, čime je pomognuto isto toliko porodica i pojedinaca u stanju potrebe, a podijeljeno je i deset tona hurmi koje je posredstvom Kulturnog centra Kralj Fahd donirala Ambasade Kraljevine Saudijske Arabije. Nisu zaboravljeni ni pensionisani imami i supruge umrlih imama koje primaju minimalnu penziju, kao ni 54 šehidske porodice kojima je dodijeljena pomoć u vidu poklon-bonova, dok je za mališane u obdaništima i polaznicima mektebske nastave u povratničkim džematima obezbijeđeno 2.000 bajramskih paketića.

„Ured za društvenu brigu zahvaljuje svim vjernicima koji su podržali njihove ramazanske aktivnosti, ali i donatorima koji su omogućili da se tokom ramazanskih dana pruži ruka podrške i obraduje što veći broj osoba“, izjavio je Malanović.

// Preporod, 1. juni 2021. godine

” ...Nije svijet ni kuća ni stan on je tek prolaz, kroz koji se ulazi u kuću spasenja ili pakao, a za to je pametan onaj, koji se na ovome svijetu ne prevvari, koji mu ne vjeruje, koji ga ne gleda ljubavnim očima, te mu se ne prilagodi. Sretan je onaj čovjek, koji na sebi priliku uzima te današnji dan na jučerašnji primjeni i koji, čekajući vrijeme smrti, u svome radu ne pogriješi. Dobra djela gone zlo, a najuzvišenije od dobrih djela je milodar, najuzvišeniji milodar je onaj, koji ostaje zauvijek, a od dobrotvornih djela opet je najljepše ono, koje jest, odnosno koje će se trajno ponavljati. Jasno je, da je od trajnih dobrotvornih djela najdulje zajamčeno dobročinstvo vakuf. Dok je svijeta i vijeka korist vakufa ne prestaje niti se njegovo djelovanje do sudnjega dana završava.“

Iz vakufname Gazi Husrev-bega, novembra 1531. godine

VAKUFSKI PROJEKTI



POČELI RADOVI NA IZGRADNJI DŽAMIJE U DŽEMATU SKÖVDE

Piše: Smajo-ef. Šahat



Hvala Allahu, dž.š., na svim blagodatima kojima nas je obdario!

Molimo Ga da nas učvrsti na pravom putu i da nam pomogne da očuvamo svoju vjeru Islam ma gdje bili i živjeli.

U časnom Kur`anu čitamo riječi Uzvišenog Gospodara koji nas navodi na razmišljanje o vrijednostima žrtve kada kaže:

»Oni koji imanja svoja troše na Allahovom putu liče na onoga koji posije zrno iz kojeg nikne sedam klasova i u svakom klasu po stotinu zrna. – A Allah će onome kome hoće dati i više; Allah je neizmjereno dobar i sve zna.« (Al-Baqara, 261)

Na razmišljanje u istom smjeru nas navode i riječi poslanika Muhammeda s.a.v.s. koji nas također stimulise na zajedničko dobro kada kaže:

»Ko izgradi džamiju na ovom svijetu Allah dž.š. će njemu sagraditi dvorac u džennetu.« (Buharija i Muslim)

Navedeni kur`anski ajet kao i navedeni hadis su nevjerovatna motivacija muslimanima/ vjernicima da budu spremni na žrtvu, a žrtva za opće dobro je залог za ličnu sreću na obadva svijeta. Upravo je to ono što je rukovalo i rukovodi Odbor za izgradnju džamije u Skövdeu, Allahova nagrada i Njegovo zadovoljstvo.

Pokretanjem projekta izgradnje džamije, Odbor je otvorio vrata svakom dobronamjernom insanu i svakoj porodici da žrtvuju dio vlastitog znanja, imetka ili vremena za zajedničko dobro. I ovog puta Vas podsjećamo, draga braćo i poštovane sestre, da još uvijek imate tu mogućnost, da ugradite sebe u ovaj projekat. Ovaj put koristimo i priliku da se u ime džemata Skövde od srca zahvalimo svakom pojedincu i svakoj porodici za doprinos u cilju izgradnje zajedničke nam Allahove kuće. Molimo Allahovu zaštitu i blagoslov na sve Vas!

Naglašavamo često da proračun koštanja ovog projekta iznosi 10 miliona švedskih kruna. Nismo još na pola od toga, ali se uzdamo u Boga i Vašu darežljivost, vašu spremnost da pomognete ovaj projekat. To je prva džamija na ovom prostoru, i zajedno imamo čast da je sagrađimo i ako Bog da otvorimo u 2022. godini. Tako će se Skaraborg muslimanima napokon ostvariti dvadesetogodišnji san o vlastitom objektu, džamiji.



Gdje smo sad?

Trenutno radimo na zemljanim radovima, na priključcima infrastrukture do objekta: voda, odvod, struja, internet, grijanje... Prije toga smo imali nekoliko džematskih akcija na pripremi terena za izgradnju džamije gdje se pokazao entuzijazam i žar džematlija za ovaj projekat. Posebno nas raduje angažman omladine, kako u zajedničkim akcijama na pripremi terena, tako i u uplatama ličnih sredstava u cilju izgradnje džamije. Ponosni smo na to, Elhamdulillah!



Šta i kako dalje?

Sada smo već u fazi da vršimo pripreme za izlivanje ploče. Plan je da najdalje do 10 jula ove godine završimo s pločom. Potpisan je Ugovor s firmom koja je izvođač radova. Poslije godišnjih odmora, ako Bog da nastavljamo u istom taktu. Prinuđeni smo pokrenuti još jedan krug s iskupljanjem dobrovoljnih priloga kako bi do prvih snijegova, ako Bog da u ovoj godini džamiju pokrili. To nam je cilj, i radićemo na tome da cilj ostvarimo, da do cilja i dođemo.





Islamska zajednica Bošnjaka u Švedskoj
DŽEMAT SKÖVDE

Izgradimo zajedno

VAKUF

U džematu Skövde

Uplate iz Švedske

Uplate iz inostranstva

Bankgiro: 5223-2477
Svish: 123 168 48 51

Bank: Skandinaviska
Enskilda Banken AB
IBAN: SE8350000000
051701191512
BIC (Swift): ESSESESS

«Ko izgradi džamiju na ovom svijetu Allah će njemu sagraditi dvorac u džennetu.»
(Buharija i Muslim)

Kontakt: Smajo-ef. Šahat / +46 70 497 04 18 / sahatsmajo@gmail.com

DŽEMAT TROLLHÄTTAN USKORO U VLASTITOM OBJEKTU!



DŽEMAT TROLLHÄTTAN USKORO U VLASTITOM OBJEKTU!



Piše: Tarik-ef. Buza

Dana, 17. 06. 2021 godine predstavnici džemata Trollhattan su potpisali ugovor za kupovinu objekta koji je trenutno u vlasništvu Svenska kyrkan. Objekat je veličine 270 metara kvadratnih sa 1500 metara kvadratnih zemljišta i vlastitim parking prostorom. Objekat je u poreskoj upravi registrovan kao vjerski objekat samim tim nam se otvorila mogućnost za jednostavnijom kupovinom što smo kao džemat i iskoristili.

Jedan od razloga zašto je Svenska kyrkan pristala na prodaju objekta nama jeste njihova namjera i doprinos uspješnijoj integraciji doseljenika u Švedsko društvo. Drago im je da će objekat i u budućnosti služiti svojoj prvobitnoj namjeni.

Cijena za koju je objekat kupljen je 4.150.000,00 Švedskih kruna.
Kapara u iznosu od 415.000,00 Švedskih kruna je uplaćena isti dan.

Preostali iznos od 3.735.000,00 Švedskih kruna moramo uplatiti najkasnije do 1. Novembra 2021 godine.

Trenutno u Vakuf fondu imamo: 535.000,00 SEK!

Za uspješno privođenje kraju ovog projekta neophodna nam je i vaša pomoć!

Ugradite sebe u trajno dobro i pomozite nam da zajedno učinimo našu Islamsku zajednicu Bošnjaka u Švedskoj bogatiju i ponosniju za još jedan objekat u svom vlasništvu!

SWISH: 123 105 69 02

BG: 5570-1833



DUHOVNOST



Hvala Gospodaru svih svjetova, salavat i selam Njegovom posljednjem poslaniku, Muhamedu, s.a.v.s.

Draga braćo i poštovane sestre!

Danas govorimo o kurbanu. Činimo to nakon što smo od Rijasetu dobili obavijest o načinu kako ovu obavezu možemo izvršiti ove godine. Činimo to kako bi vama ostavili dovoljno vremena da se za ovu obavezu kvalitetno pripremite.

Na početku ove hutbe podsjećamo na kur`anske ajete koji govore o ovoj temi:

„I svakoj zajednici propisali smo obred prinošenja žrtve, kako bi spominjali Božije ime prilikom klanja stoke kojom ih opskrbljujemo, jer vaš Bog je jedan, pa se Njemu predajte! I obavijesti ponizne!“ (Sura El-Hadž, 34. ajet)

„Neće do Boga doprijeti njihovo meso i njihova krv, ali hoće doprijeti do Njega vaša bogobožnost. Upokorio vam je tako da biste veličali Boga zato što vas je uputio. I obavijesti dobročinitelje! (Sura El-Hadž, 37. ajet)

O kurbanu Muhamed, a.s., je rekao:

„Ko bude u mogućnosti, a ne zakolje kurban, nek ne dolazi ni na Bajram-namaz.“

„Na dan Kurban-bajrama čovjek ne može uraditi ništa što je Bogu draže od klanja kurbanu. Doista će kurban doći na Sudnji dan sa svojim rogovima, vunom i paponjcima. Kapi kurbandske krvi kad poteku prije budu uzdignute Gospodaru nego što stignu pasti na zemlju. Zbog toga sa svojim kurbanom postupajte pažljivo.“

Rijaset Islamske zajednice u Bosni i Hercegovini obavještava muslimane u bošnjačkoj dijaspori da će se i ove godine nastaviti tradicija organizovanja propisa kurbanda za pripadnike Islamske zajednice koji žive izvan svoje domovine. Realizacija propisa kurbanda je jedinstven primjer visokog stupnja svijesti i solidarnosti muslimana koji u kontinuitetu daju doprinos kvalitetnijem organizovanju propisa kurbanda. Kurbandsko meso koje se dobije izvršenjem propisa kurbanda već dugi niz godina se usmjerava u humanitarne svrhe, za potrebe povratnika, siromašnih, ugroženih, zavodima za nezbrinutu djecu i djecu sa posebnim potrebama, licima u kolektivnim centrima, socijalnim ustanovama, bolnicama, studentskim domovima, medresama i fakultetima Islamske zajednice u BiH.

Realizacijom propisa kurbanda ove godine Islamska zajednica u fokus stavlja povratnička mjesta u gornjem i srednjem Podrinju, istočnoj Hercegovini, zapadnoj Bosni i zapadnoj Hercegovini, gdje ćemo kod povratnika otkupiti kurbande, žrtvovati i podijeliti u povratničkim mjestima.

Nadamo se da će se broj kurbanda koji će biti nabavljen i žrtvovan u povratničkim mjestima zahvaljujući vašoj podršci i razumijevanju iz godine u godinu povećavati i bitno utjecati na poboljšanje životnog standarda povratničke populacije.

Rijaset Islamske zajednice u BiH izražava zahvalnost svim muslimanima pripadnicima Islamske zajednice u BiH na području Švedske koji se opredijele da obrede kurbanda realizuju u organizaciji Rijaset Islamske zajednice posredstvom svojih džemata koji djeluju u okviru Islamske zajednice Bošnjaka u Švedskoj.

Cijena kurbanda za područje Švedske za ovu godinu je 1 850 kruna, a krajnji datum za uplatu sredstava je 16.07.2021. godine. Ove godine uplate se vrše isključivo na račun i Swish IZBUŠ-a, a u džematima se mogu izvršiti samo uplate u gotovini. Kao i ranijih godina, moguće je trećinu kurbanda namijeniti nekome svome u BiH. Istina, tu trećinu mora neko preuzeti i to samo u Sarajevu.

Hutbu završavamo dovom Gospodaru svjetova da nam omili žrtvovanje u Njegovo ime, a za korist Njegovih stvorenja.

Amin ja Rabbe-l-alemin!

Idriz-ef. Karaman, Malmö, 11. juni 2021.



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ



Kurbani se nabavljaju
u BiH od povratnika
i na taj način se
pomaže održivi
povratak

1850 SEK
Cijena Kurbana

KURBAN

**Krajni rok za uplatu kurbana je do
16. jula 2021.**

2021.

**Plati lakše
putem swisha**

123 338 23 48



PG: 73 88 14-3

**Uplate u gotovini možete
obaviti u vašim džematima**

Kurban preko Islamske zajednice

Allah, dž.š., u suri Kevser kaže:

"Mi smo ti uistinu, mnogo dobra dali, zato namaz radi Allaha klanjaj i kurban kolji, onaj ko tebe mrzi sigurno će on bez pomena ostati!" (*El-Kevser, 1-3*)

Kurban je jedna u nizu vadžib dužnosti koja ima svoj veliki značaj. Muhamed, a.s., je rekao: "Onaj ko ima materijalne mogućnosti da zakolje kurban, a ne zakolje ga, nemoj da se približava mjestu na kojem mi obavljamo namaz." U žrtvovanju kurbana ogleda se velika solidarnost muslimana, jer kurbansko meso se dijeli: siromasima, rodbini, komšijama i potrebnima. Allah, dž.š., kaže: "Jedite od nje (žrtve) i nahranite bijednika i siromaha."

U ustanovi kurbana krije se prava socijalna svrha i najviši znak požrtvovanosti u ime viših ciljeva.

Kad se smatraš obaveznim zaklati kurban?

Žrtvovanje kurbana za vrijeme Kurban-bajrama je islamska dužnost svakog imućnog punoljetnog muslimana i lijepa islamska tradicija i dobro djelo za onoga ko nije obavezan.

Dovoljan je jedan kurban za članove jedne porodice. U današnjem vremenu to je svaki onaj koji je zaposlen i ima toliko sredstava u dane Kurban-bajrama da nabavi kurban.

Važno!

Rijaset nema mogućnost da dostavlja trećinu kurbana po cijeloj BiH. Svi uplatioci kurbana koji žele da neko od njihove rodbine preuzme trećinu kurbana (može se preuzeti samo u Sarajevu), trebaju dostaviti telefonski broj rodbine kako bi predstavnik Rijasetu mogao stupiti u kontakt i dogovoriti detalje oko preuzimanja trećine kurbana.

Za više informacija možete se obratiti lokalnom džematu,
imamu ili sekretaru IZB u Švedskoj:

E-mail: kontakt@izb.se Telefon: 0520-49 90 64 Mobil: 0763-10 24 47



UČITI ILI IZUČAVATI KUR'AN

Sponosom se u muslimanskim krugovima ističe kako su prve kur'anske, objavljene Božije Riječi čovjeku: uči, čitaj, proučavaj, studiraj (iqre), time potvrđujući činjenicu da je nauka i trud uložen u nauku, preduslov svakojakog ljudskog uspjeha. U tom kontekstu, muslimani se često prisjećaju takozvanog „zlatnog perioda“ islama, koliko god ta konstrukcija bila neispravna, odnosno zlatnog perioda muslimanskog društva, koje je svoj napredak i razvoj doživjelo, upravo zahvaljujući praktičnoj realizaciji te prve Božije zapovijedi – uči, čitaj, proučavaj.

Ovlašnim pregledom tih povijesnih epoha u kojima su muslimanska društva bila perjanicama i avangardom svekolikog napretka i blagostanja, uočavamo da je taj napredak bio zastupljen na svim naučnim poljima. Vjerske nauke su doživjele svoj procvat, diljem halifata su otvarane škole i univerziteti na kojima se izučavao Kur'an, pisani njegovi komentari, nastajale su napoznatije hadiske zbirke, fikh kao temeljna vjerska nauka je doživio svoj vrhunac u

djelovanju desetina različitih pravnih škola i mezheba. Ta raznolikost nije nikada bila razlogom međusobnih trvenja i neprijateljstva pojedinih sljedbenika islama, a što imamo priliku danas svjedočiti.

Nije se stalo samo na razvoju tih striktno vjerskih nauka i izučavanja vjere. Prirodne i društvene nauke su također doživjele ogromni napredak. Matematika, fizika, hemija, medicina, astronomija, logika, filozofija, psihologija, muzika i druge znanosti, bile su predmetima izučavanja u svim dijelovima muslimanskog svijeta. Nije postojala podjela na islamske ili pak neislamske i druge nauke, ovosvjetske ili onosvjetske. Svugdje, gdje je postojao prostor za izučavanje i nova saznanja, istraživalo se i izučavalo. Vrlo često su i sami intelektualci bili multidisciplinarno obrazovani, te su uporedo izučavajući vjerske nauke, bivali i uspješni filozofi, medicinari, astronomi i slično. Svojim svestranim zanimanjima i interesovanjima, oni su ustvari pokazivali, da su istinski razumjeli i u praksi sprovodili kur'anski imperativ – uči, čitaj.



svjetske medicine. Razvojem medicine, lijekova, medicinskih pomagala i sl., realizovao se ustvari praktično Božiji imperativ iqre, na polju liječenja ljudi od raznih bolesti.

Njegova otkrića i otkrića drugih naučnika u raznim oblastima su bili otjelovljeni Kur'an, koji nije ostao samo na nivou recitiranja, memorisanja i lijepog učenja. Za Ibn Sinu iqre u praksi je njegov savjet hirurzima, u tome vremenu (11. vijek), da je za sprječavanje metastaze raka neophodno ukloniti svako napadnuto tkivo. Nije se zadovoljio stavljanjem ruke na oboljelo mjesto ili organ i recitiranjem Kur'ana predlagao da se otkloni bolest. Kur'anski iskaz: „Objavljujemo Kur'an koji je lijek ...“,

To navodimo iz razloga jer se da primjetiti kako se ovaj kur'anski imperativ u današnjem vremenu kod mnogih svodi na puko recitiranje Kur'ana. I u našem jeziku, najfrekventniji prijevod termina iqre-uči, u dobroj mjeri, determinira se samim recitiranjem (učenjem, čitanjem) Kur'ana, njegovim memorisanjem ili pak, učenjem i izučavanjem samo teoloških/obrednih i eshatoloških značenja Svetoga teksta. Na primjeru jednog od najznačajnijih intelektualaca klasičnog, ranog perioda islama, Ibn Sine, na Zapadu poznatog kao Avicenna, vidljivo je razumijevanje pojma „iqre“ kao nedjeljivo i jedinstveno, teorijsko i praktično iskustvo nauke kao takve.

Kao hafiz Kur'ana i hanefijski pravnik, Ibn Sina je sastavio preko 450 djela iz različitih naučnih oblasti. Najpoznatija iz medicine, gdje je njegova El-Qanun fi-Tib (Canon Medicinae), postala svojevrsnim temeljem razvoja

razumijevan je na način da je to podsticaj za traženje lijeka i istraživanja na polju medicine, a nikako samo vanjsko, jezičko i formalno postupanje.

Klasični islamski učenjaci i naučnici se nisu zadovoljavali formom i vanjštinom, nego su prije svega tražili uzroke i analizirali posljedice pojedinih pojava, jer su na taj način razumijevali iqre. Da je u današnjem muslimanskom miljeu forma na prvome mjestu, pokazuju stalne rasprave i trvenja oko potpuno emifernih i nevažnih pitanja, poput vanjskog izgleda, odjeće, je li zabranjeno dotaći Kur'an bez abdesta, smije li ili ne smije žena u vrijeme menstruacije učiti i držati Kur'an uz sebe ili vršiti neke druge obrede i slično. Preferirajući formu nad suštinom dovelo je i dovodi do dubokih podjela u muslimanskom korpusu i ekstremnih ekskluzivističkih i isključivih stajališta.

Drugi kur'anski termin, koji upućuje ljude da istražuju i izučavaju svijet oko sebe „nezare“, koji se često koristi u formi: „Fel jenzuri-l-insnanu...“, u svome krajnjem značenju obuhvata, dubinsko sagledavanje stvari, uzroka i posljedica: “ Pa zašto čovjek ne ispituje, ne vrši istraživanje...”. Pojam „nezare“, ne označava samo divljenje i čuđenje stvorenom svijetu, jezičko slavljenje Boga kao savršenog Tvorca, nego ispitivanje stvorenog, onako kako su ga razumijevali i shvatali klasični učenjaci i naučnici. Takav sveobuhvatan pristup nauci, svestrano zanimanje i izučavanje svijeta oko sebe, uzdiglo je muslimanska društva tog vremena na pijedestal svijeta.

Uzimajući Kur'an samo kao podstrek i pokretača za konkretno djelovanje u društvu i životu, a ne kao završno i jedino sredstvo, pri tome očekujući uspjeh i rezultat. Stoga vidimo danas poplavu praznovjerja i krivovjerja, nosanja raznih zapisa i kur'anskih sura sa sobom, kao tobože neki garant uspjeha, bez prethodno uloženog truda da se taj uspjeh i ostvari. Danas je istinsko iqre u prvom redu proučavanje i ulaganje u izučavanje. Na primjeru medicine, iqre danas jeste ulaganje truda u pronalazak vakcine za pandemiju COVID-19, a nikako recitiranje Kur'ana nad oboljelim, smatrajući kako će to recitiranje izliječiti bolesnog.

Iqre je i razvoj svakolikih drugih naučnih oblasti i instituta u kojima će se razvijati napredne tehnologije, konkurentne u savremenom svijetu, razvijati i proizvoditi iste, a ne biti samo njihov pasivni korisnik i konzument. Biti jedino njihov krajnji korisnik. Naučnici klasičnog muslimanskog perioda, bili su u prvom redu pronalazači i inovatori, te su svoja saznanja nudili čitavome svijetu. Podjednako i muslimanima i nemuslimanima, vodeći se poslaničkom izrekom, kako su najbolji ljudi oni, koji najviše doprinose čovječanstvu. Iqre i sam Kur'an u cjelini, nisu bili sredstvo i cilj sami za sebe, nego prije svega, inspiracija i podsticaj za ostvarivanje praktične, opće koristi za čovječanstvo.

// Asim Jelovac, www.reflect-ba.de



ISPRAVAN ODNOS I OBAVEZE PREMA LJUDIMA

Vrijeme pandemije iznova je otvorilo pitanje društvenih obaveza pojedinca i zajednice pa se u društvima širom svijeta otvaraju pitanja koja su u islamu riješena prije više od 14 stoljeća. No, ovo je i nama muslimanima pravo vrijeme da se podsjetimo na kategorije ljudi prema kojima imamo posebne obaveze i preispitamo koliko smo od toga zanemarili.

Temelj i polog pravog života i ispravnog odnosa prema ljudima jeste: Ve'abudullahe vela tušriku bihi šejen – samo Allaha obožavajte i Njemu se klanjajte i nikoga Njemu ne pridružujte i ravnim ne smatrajte. To je aksiom i ovog i onog svijeta – samo se Allahu robuje, predanost i pokornost u slobodi i pri punoj svijesti iskazuje. To je spoznata nužnost da su sva stvorenja ovisna o svom Stvoritelju. Iza predanosti i nužno spoznate pokornosti Stvoritelju slijedi priznanje, poštovanje i najljepši odnos prema roditeljima. Ve bil-validejni ihsana. To je neupitno jer samo nas Stvoritelj stvara, a samo nas majka sa sebebom oca rađa. Nije šala, u Kur'anu se šukur, zahvalnost iskazuje Allahu i roditeljima – Eniškur lililahl velil-validejni (Lukman, 14). Poslanik kaže na Oprosnom hadždžu: "Džennet se stiže pod majčinim nogama".

Virus SARSCOV2 iz koga se razvio COVID-19 svjetska, planetarna bolest, do srži je razotkrio i razobličio ljudski i neljudski odnos prema roditeljima i starijim osobama u najrazvijenijim zemljama svijeta. Po strukturi smrtnosti, od tog virusa je pomrlo najviše ljudi u staračkim domovima ili modernim čekaonicama i predvorjima smrti.

Šta znači briga i obaveza prema putnicima svjedok je čovječanstvo od pojave virusa kada su se stotine hiljada radnika, studenata, turista i trgovaca u svijetu zatekle u drugim zemljama, a saobraćaj odjedanput prekinut. Nikada obaveza brige prema putnicima nije bila toliko jasna i očigledna.

Briga, odnos i obaveza jeste prema rodbini po svim osnovama: krvi, mlijeku i tazbinstvu – Ve bizil kurba. Unazad tridesetak godina skoro da smo na rodbinske veze, obaveze, prava i dužnosti – a Kur'an na tome toliko insistira – zaboravili.

Pažnja, obaveza i dužnost jeste i prema jetimima – siročadima svijeta – Vel-jetama. Kur'an imperativno uvjetuje religiju i vjerezakon svakog čovjeka i zajednice ispravnim i obavezujućim odnosom prema jetimu i miskinu: "Znaš li ti i vidiš li onog ko Din -Religiju poriče i odriče? Pa to je onaj koji grubo odbija i tjera siročce – jetima i da se bijednik i jadnik nahrani i ne podstiče." (El-Maun, 1-3) Prije nezgodnog i opakog musafira COVID-19, na grčkom otoku Lezbos nalazilo se oko pet hiljada siročadi za koje evropske zemlje, izuzev Njemačke, nisu htjele ni da čuju, a to su sve djeca i bez oca i bez majke.

Briga i obaveza jesu bijednici i jadnici koji su praznih novčanika, praznih glava i bez imetka – Vel-mesakini. To je nezamisliva sirotinja.

Obaveza i ispravan odnos jeste prema bližnjim komšijama, a to je po četrdeset kuća na sve četiri strane od naše kuće – Vel-Džarizil-kurba.

Briga i ispravan odnos jeste prema daljim komšijama – Vel-Džaril-Džunubi. U najširem smislu to se odnosi na ljudski rod ili sve Ademove potomke. Mada se i bližnje i dalje komšije u Kur'anu spominju samo u 36. ajetu sure Nisa, mnogo je hadisa o toj temi i obavezi: "Čini dobro svom komšiji, bit ćeš mumín, želi ljudima ono što sebi želiš, bit ćeš musliman" (I.P.H, 44).

Obaveza je i ispravan odnos prema prijateljima, posebno kada su u nevolji. Ves-Sahibi bil-dženbi. Bitno je prijateljstvo na pravom putu i u istini: "Tada će prijatelji biti neprijatelji jedni drugima osim onih što se boje Allaha" (Zuhruf, 67). Nema prijatelja u grijehu i na krivom putu. Mudrost uči da je prijatelj rođak po srcu i duši. Imperativna obaveza, izazov i dužnost su Vebnis-Sebili-Putnici namjernici i musafiri koje je zadesila nevolja. Poslanik, a.s. kaže: "Ko vjeruje u Allaha i Sudnji dan, neka počasti musafira." Naša obaveza prema musafiru i putniku je dva dana i dvije noći osigurati mu boravak i za treći dan mu dati hranu. Šta znači briga i obaveza prema putnicima svjedok je čovječanstvo od pojave virusa kada su se stotine hiljada radnika, studenata, turista i trgovaca u svijetu zatekle u drugim zemljama, a saobraćaj odjedanput prekinut. Nikada obaveza brige prema putnicima nije bila toliko jasna i očigledna.

Izazov i imperativna dužnost i briga jesu oni koji su pod našom nadležnošću, povjerenjem i komandovanjem – Vema meleket ejmanukum. Znalci Poslanikove, a.s. Sire kažu da su njegove posljednje riječi bile: "Dobro pazite namaz i one koji su vama povjereni". To je ponovio dva puta. Briga i obaveza je Lil-fukarai-fukara i siromasi koji nemaju dovoljno za život.

Obaveza i dužnost su troškovi u institucionalno organiziranje, ukupljanje i raspoređivanje fonda zekata i sadekatul-fitra.

To je izričita nadležnost, obaveza, pravo i dužnost Ulul-Emra ili vrhovnog legitimnog i legalnog vjerskog autoriteta. Sve što se u toj aktivnosti potroši je Vel-amilne alejha.

Obaveza i briga jeste Vel-muellefeti kulubuhum – služiti i ulagati sredstva u misiji vjere, širiti lijep glas o njoj i pridobijati ljudska srca i duše za nju.

Imperativna dužnost od Ademovih dana do kraja svijeta jeste Vefir-Rikabi – ulagati sredstva i oslobađati ljude od sužanjstva, ropstva i svakog oblika potčinjenosti ljudima. Bogu robovati, a ljude uvažavati: "Dobro pazite vaše potčinjene. Hranite ih onim čime se vi hranite, i odijevate ih onim čime se vi odijevate", kaže Poslanik.

Obaveza i dužnost je prema onim ljudima koji nisu samo svojom krivicom prezaduženi – Vel-garimine. Ljude najviše prezadužuju, unesrećuju i osiromašuju kamatne stope. Ukoliko svijet ne primjeni princip brisanja kamata i oprosta dugova poslije ove krize, kojoj samo Allah zna kraj, većina država i naroda teško će opstati i preživjeti.

Obaveza i briga su Me'alumi – ljudi koji su zaustavljeni i spriječeni nekom teškom, posebno prirodnom zaprekom kao sada virusom. Evo sada ne rade ljudi koji su najviše zarađivali: sportisti, glumci, pjevači. Ako ovo potraje i tim ljudima pomoć može postati potrebna. Obaveza i dužnost je prema Mahrumima, tj. prema ljudima koji su pravno, zakonski i sistemski obespravljeni.

Obaveza i dužnost je prema Sailinima – prosjacima. U SAD, najrazvijenijoj zemlji svijeta, već je 30 miliona ljudi ostalo bez posla. Šta je tek sa Afrikom?

Dužnost, posebno u ovakvoj situaciji, je govoriti ljudima lijepe i utješne riječi – Vekulu Linnasi Husnen.

// Mustafa Spahić, preporod.com

” U ovim danima našeg sjećanja na braću i sestre, žrtve Genocida u Srebrenici, iznova potvrđujemo davno izrečenu istinu vjere: ne može čovjek služiti samome sebi, a da ne počne ljubiti svoj lik ili lik svog naroda, pretvarajući ga u lažno božanstvo. Znajte, braćo i sestre, ako čovjek ne štuje istinitog Boga, ako njegovi ciljevi nisu u službi dobra, tada on sebi sazdaje lažne bogove, da bi opravdao svoje zlo. A dobro i zlo nisu isto, kaže Kur'an, makar nas i zbunjivalo mnoštvo zla, koje u svijetu vidimo svaki dan.


Na licu svake žrtve zločina, ma gdje zločin bio počinjen, krvavi su tragovi lažne vjere i krivovjerja. Vidimo to na svakom mjestu, a posebno u mezarju Genocida u Potočarima.

Bijeli nišani na mezarju u Potočarima su svjedoci. Njihova slika će opominjati i onda kada nas ne bude da kao živi svjedoci govorimo o zlu koje je počinjeno rukama onih koji su ga u svojoj duši zametnuli. Dovom ćemo čuvati sjećanje na naše najmilije, otimat ćemo njihove likove od zaborava, uvjereni u njihovu nevinost i besmrtnost.

// Husein-ef. Kavazović, juli 2020.



1995-2021.



Poema

BABO, JULI JE

Ja ti babo pisati moram, drugačije ne znam...i ne mogu. Sve i kad bih htjela drugačije ne znam kako ću?! Kad ti pišem bude mi lakše... malo lakše! Doćeš' babo, jel' de da ćeš doći? Ako Bog da!

Mati te čeka svaku noć, poslije jacije na klupi ispod kruške, kaže samo što nisi, aa dedo ostavlja otključana vrata kaže kad dođeš da možeš mahom ući u kuću da ne kucaš, zna da si umoran.

Babo što te nema do sada, poželjen si babo. Znaš babo, dedo svakim danom sve više stari i sve se više bojim za njega. Ako babo ostanem bez njega, aa ti mi daleko šta ćemo mati i ja same? Tebe čekamo, a on je više u godinama, kaže da mu ti dođeš i onda mu ne bi bilo mrsko mrijeti, aa babo ja to ne želim. Hoću da vas imam obojicu. Trebate mi babo!

Dedo me je odgajao ovo vrijeme dok ti nisi bio tu, branio me, pokrivao u noći, hranio. Dedo mi je život, ja drugoga do tebe nemam. Sanjaala sam te prošlu noć babo...ama isto koda te sad gledam. Sjećam se jula, onda kada sam te posljednji put vidjela babo...i sada je juli, a tebe babo nema.

Puno si se babo zadražio, aa rekao si da nećeš, rekao si da ćeš otići samo do grada da doneseš ulja, i nikada se više ne vrati. Nema veze babo ako nisi našao ono koje tražiš, babo ti se vrati sam, znaš sada ima neko drugo ulje, mi smo zadovoljni i sa ovim.

Babo sve češće bivam usamljena, sve češće mi dolaziš u san. Babo više neću da sanjam, hocu da budeš sa mnom. Reci mi babo hoću li mi se ikada obistinit i jedan san? Imam momka babo, dosta mu pričam o tebi, i pravo si mu drag. Kaže da jedva čeka priliku da te upozna, aa ja mu kažem da ćeš ti brzo doći, ako ne za ovaj juli onda naredne godine sigurno. Je li tako babo? Daj mu priliku da te upozna, molim te babo! On bi me ženio babo, tražio je od dede ruku, ali neka babo. Čekat ćemo da se vratiš ako Bogda, pa da onda proslavimo.

Majka će obući novu haljinu, kaže sličnu onoj u kojoj si je oženio, boja ona koju ti najviše voliš, aa dedo novu košulju i polover što mu je tetka isplela, ima sive šare na sebi. Fino ćeš stati ti babo, i mati pored tebe, aa sa druge strane dedo, Omer i ja. Jednu sliku ću uramiti ja, a jednu vama dati, pa navečer ako Bogda kad ti, mati i dedo sjednete da pijete kafu da imate i da gledate. Gledat ću babo i ja vas!

Eto babo, bi juli kad si otišao, sad je juli a vratio se nisi. Babo molim te da brzo dođeš, da me babo zagrliš onako kako si samo ti znao, da me pomiluješ po kosi, i povučeš za desno uho. Sada sam narasla velika, izrasla babo u curetinu, aa i dalje babo sam ista ti. Kažu oči imam iste tvoje, ali znam da nisu. Moje su oči babo natopljene suzama, suzaama koje se skupljaju godinama, suzama koje su ispuštene samo za tebe babo, aa tvoje babo nisu bile takve. Bile su tako sjajne, ispunjene ljubavi, radošću, rahatlukom! Zato babo brzo se vrati, pa da bam budem ko' ti, da i moje tako blistaju ko tvoje, jer babo niko mi drugi taj sjaj ne može vratiti sem tebe!

// Autor: Adisa Lepara, Konjic

TAČKA CRNA,
 NA KUGLI ZEMALJSKOJ, ŠTO,
 OD KRVI LJUDSKE,
 CRVENO BLJEŠTI
 U NOĆI!
 GLEDAJ! STARICA
 NA PROPLANKU STOJI! TROJICU SINOVA, ČEKA,
 ZNAJUĆ DA NEĆE DOĆI!
 HILJADE ZGASLIH ZJENA,
 S' MUUKOM SAMRTNIM, HILJADE ZATVORENIH
 USTA!

SREBRENICA ŠUTI!

SREBRENICA RIDA!

SREBRENICA,
 VILAJET TAMNI,
 SREBRENICA,
 KASABA PUSTA!
 HILJADE OTIŠLO,
 NA PUT VJEČNI,

NASPRAM RAFALA I KAME, JOŠ NIKO USTAO
 NIJE!

SREBRENICI JE IME

" M A J K A "

ŠTO U NADI MRIJE,
 I U ČEŽNJI, SVOJE
 UMRLO ČEDO, SNIJE!

SREBRENICO,

KRIK SI, I JAU!

ZNAMEN SI, STRAVE I GOLGOTE!

OPOMENO!

PRIJETNJO!

NA KOLJENIMA KLEČIŠ, POD BREMENOM,
 LJUDSKE SRAMOTE!

SREBRENICO, VILO

ŠTO OD NIŠANA BIJELIH OTRGNU PLAŠT, TKAN
 BIJELOM, ISKIDANOM NITI!

U TMINI STOJIŠ,

NIJEMA KO SJENA!

HODIŠ STAZAMA,

OD SUZA, SPRŽENIH ZJENA. ŠUTIŠ!

TIŠINU SLUŠAŠ!

SAMO MUK U ZRAKU,

I BOLNA PRAZNINA!

SREBRENICO,

RANO ŽIVA,

ŠTO TE KAMOM

IZROVIŠE, NALETI PUSTI.

V R I S N I !!!!

V I Č I !!!!

P I Š I !!!!

GLASOM GLASNIM

GOVORI! U JECAJIMA, PATNJU

ZATOMI!

RECI SVIJETU, VILO,

DA SE,

N I K A D... N I K O M E, SREBRENICA,

NE PONOVI!!!



SREBRENIČKE SUZE!
BISERI U NISCI, MLADOJ STAVLJENI
OKO VRATA.
NA SVADBI, GDJE
MLADOŽENJE NEMA, NI SVIRKE,
NI KUMA, NI SVADBENOG SVATA!
SREBRENIČKE SUZE!
KAPLJICE ROSE NA SPRUDU!
POTOCI, ŠTO NE ŽUBORE,
VRANCI U TRKU, I MOMCI, KOJI SU TO,
TEK, TREBALI DA BUDU!
SREBRENIČKE SUZE!
UGASLOG ŽIVOTA,

LJEPLJIV TRAG!
SVJETLUCAVI OBRISI SLIKE SINA,
ŠTO MAJCI BI,
VIŠE OD ŽIVOTA, DRAG!
SREBRENIČKE SUZE!
DRAGULJI, U ODAJE DUŠA POHRANJENI!
SVAKA SUZA, PO JEDAN NIŠAN BIJELI,
I U SVAKOJ SUZI, ŽIVOTI LJUDSKI SAH-
RANJENI!!!

// Autor: Nihada Hadžibegić Žunić



DERVIŠ I SMRT, MEŠA SELIMOVIĆ

ODLOMAK



Sinovi Ademovi!

Neću držati propovijed, ne bih mogao i kad bih htio. A vjerujem da biste mi zamjerili ako ne bih sad, u ovom času, teži ne pamtim u životu, govorio baš o sebi. Nikad mi nije bilo važnije ono što ću da kažem, a ne želim ništa da postignem. Ništa, osim da vidim saučešće u vašim očima.

Nisam vas nazvao braćom, iako ste mi to više nego ikad, vec sinovima Ademovim, pozivajući se na ono što je u svima nama zajedničko. Ljudi smo, i mislimo isto, naročito kad nam je teško.


Čekali ste, htjeli ste da ostanemo zajedno, da se pogledamo oči u oči, tužni zbog smrti nedužna čovjeka, i uznemireni zbog zločina. I vas se tiče taj zločin, jer znate: ko ubije nedužna čovjeka, kao da je sve ljude pobio. Sve nas su ubili nebrojeno puta, braćo moja ubijena, a užasnuti smo kad pogodi nekog ko nam je najdraži. Možda bi trebalo da ih mrzim, ali ne mogu. Ja nemam dva srca, jedno za mržnju, drugo za ljubav. Ovo što imam, sad zna samo za tugu. Moja molitva i moja pokora, moj život i moja smrt, sve to pripada Bogu, stvoritelju svijeta. Ali moja žalost pripada meni.

Čuvajte veze rodbinske, naredio je Allah. Nisam ih sačuvao, sine majke moje. Nisam imao snage da od tebe i od sebe nesreću otklonim. Musa reče: Moj Bože! Daj mi pomoćnika od bližnjih mojih, Haruna, brata mojega, ojačaj njime snagu moju. Učini mi brata pomoćnikom u poslu mome. Moga brata Haruna više nema, i mogu samo da kažem: Moj Bože, ojačaj njim mrtvim snagu moju.

Njim mrtvim i nesahranjenim po zakonima Božjim, neviđenim i necjelivanim od svojih najbližih pred veliki put s koga povratka nema. Ja sam kao Kabil, što mu Bog posla vranu koja rovljaše zemlju, da ga pouči kako će zakopati tijelo mrtvog brata. A on reče: - Jao meni, zar ne mogu učiniti ni koliko vrana, da zakopam tijelo mrtvog brata svoga. Ja, nesrećni Kabil, nesrećniji od vrane crne. Nisam ga spasao živog, nisam ga vidio mrtvog. Sada nemam nikoga osim sebe i Tebe, Bože moj, i tuge svoje.

Daj mi snage da ne klonem od bratske i ljudske žalosti, i da se ne otrujem mržnjom. Ponavljam riječi, Nuhove: - Rastavi mene i njih, i sudi nam. Živimo na zemlji samo jedan dan, ili manje. Daj mi snage da oprostim. Jer, ko oprost, on je najveći. A znam, zaboraviti ne mogu. A vas, braćo moja, molim, ne zamjerite zbog ovih riječi, ne zamjerite ako su vas zaboljele i rastužile. I ako su otkrile moju slabost. Ne stidim se te slabosti pred vama, stidio bih se da je nema. A sada idite kući i ostavite me sama s mojom nesrećom. Lakše mi je sad, podijelio sam je s vama."





Media centar
Islamske zajednice u BiH

Radio



Novina



Agencija



Portal



Produkcija



Preporod

ISLAMSKA INFORMATIVNE NOVINE



Allah neće izmijeniti
stanje jednog naroda
dok taj narod ne
promijeni sebe
(Kur'an)



13 godina
sa vama

SLUŠAJTE UŽIVO BIR.BA

FACEBOOK

You Tube



ISLAMSKA ZAJEDNICA BOŠNJAKA
U ŠVEDSKOJ

IZBUS

WWW.IZB.SE

U ime Boga Milostivog, Samilosnog!

Molimo Te Bože Svemogući,

neka tuga postane nada!

Neka osveta bude pravda!

Neka majčina suza bude molitva:

da se nikome nikada ne ponovi

Srebrenica!

Amin!

